



ERICSSON



SIARAN MEDIA

UNTUK SIARAN SEGERA

CELCOM JALIN KERJASAMA DENGAN ERICSSON BAGI MEMPERLUAS DAN MENAIKTARAF RANGKAIAN LTE DI MALAYSIA

Ericsson sediakan perkakasan RAN daripada portfolio ERS miliknya

KUALA LUMPUR, 24 SEPTEMBER - Celcom Axiata Berhad telah menjalin kerjasama dengan Ericsson (NASDAQ: ERIC) untuk memperluas dan menaiktaraf rangkaian LTE Celcom di Malaysia. Dalam perjanjian tersebut, Ericsson akan menyediakan (Radio Access Network) daripada portfolio Sistem Radio Ericsson (*Ericsson Radio System – ERS*) miliknya untuk membantu Celcom memenuhi permintaan perkhidmatan data yang semakin meningkat di Malaysia. Perkakasan RAN Ericsson juga akan membantu menyediakan platform untuk Celcom memperkembangkan rangkaianannya kepada 5G pada masa akan datang.

Mohamad Idham Nawawi, Ketua Pegawai Eksekutif Celcom Axiata Berhad berkata, “Kami sentiasa berada mendahului dalam menyediakan pelanggan kami dengan pengalaman data yang terbaik, dan terus komited dalam memastikan evolusi rangkaian kami dengan teknologi terkini. Kerjasama strategik ini bukan sahaja akan membantu kami memperluaskan liputan LTE kami, tetapi juga membina asas untuk kami melancarkan perkhidmatan 5G. Kami akan terus memacu inovasi teknologi di Malaysia bagi menyediakan perkhidmatan terkini, dan membolehkan Malaysia bersaing dalam ekonomi digital”.

Baru-baru ini, Ericsson mengumumkan kesemua produk radio dalam portfolio ERS miliknya yang tersedia sejak tahun 2015 akan dapat menyokong *NB-IOT* dan keupayaan *5G New Radio (NR)*. Evolusi rangkaian ini didorong oleh permintaan bagi penambahbaikan pengalaman pengguna dan operasi rangkaian yang lebih efisien dari segi kos. Sistem Radio Ericsson akan memudahkan pengendali rangkaian seperti Celcom untuk mengaktifkan teknologi seperti *NB-IOT*, *5G* dalam rangkaianannya dan mengambil langkah awal dalam mengkomersilkan keupayaan *5G* dan aplikasi terkini, dengan bersandar kepada perkhidmatan jalur lebar mudah alih yang termaju.



Perisian rangkaian radio 5G/IOT terus melengkapi pelbagai teknologi sokongan jalur asas dan radio yang telah dilancarkan oleh Ericsson.

Todd Ashton, Ketua, Ericsson Malaysia, Sri Lanka dan Bangladesh berkata, " Kami telah bekerjasama dengan Celcom dalam tempoh yang lama, dan kami amat berbesar hati untuk menyokong syarikat tersebut dalam memperluas dan menaiktaraf rangkaian LTE miliknya di seluruh Malaysia. Ia akan membolehkan Celcom menyediakan pengalaman pelanggan yang lebih baik untuk jutaan rakyat Malaysia, di samping menyediakan rangkaianannya bagi evolusi 5G."

Pada tahun 2017, Ericsson dan Celcom telah melaksanakan percubaan rangkaian 5G yang pertama di Malaysia sekaligus memacu evolusi teknologi telekomunikasi negara ini. Ia merupakan percubaan 5G yang pertama dijalankan dengan jalur 28GHz di Asia Tenggara.

- **Tamat** -